



BADGE

DE COLLÈCTA DE LAS DÈISHAS DOMESTICAS GUIDA

BARNEKALDE

Micse, Cise-Baigüèr, Lhouòt-Ostabarrés,
País de Bidaishé, País de Hasparn, Sola-Xiberoa



CITE ©



La Communautat d'Aglomeracion País Basco qu'a reorganizat la collècta de las dèishas au son territòri dab com objectiu :

TRIAR MEI PLAN E LIMITAR LA NÒSTA PRODUCCION DE LORDÈRAS DOMESTICAS

LA COLLÈCTA DE LAS DÈISHAS.



LOS PUNTOS DE COLLÈCTA QU'APLEGAN LOS CABEDERS ENTÀ LAS LORDÈRAS DOMESTICAS E LA TRIA SELECTIVA

■ **Cabeders entà las lordèras domesticas**, qui s'obreishen dab l'ajuda d'un badge (modalitat en pagina 6)

■ **Cabeders de tria** (accessibles shens badge)

LA COLLÈCTA DE LAS DÈISHAS QU'A PER OBJECTIUS DE :

- Diminuir la quantitat de las dèishas a arbóner
- Valorizar mei las dèishas per :
 - la practica deu compostatge
 - la reutilizacion e/o lo reemplec
 - la tria, en melhorant la soa qualitat e la soa quantitat
 - la frequentacion de las deisherias

Arrebrobatz las localizacions deus punts de collècta a :
communaute-paysbasque.fr
(unglet dèishas/la collècta)



Que contunhi a pagar la Taxa de Lhevada de las Lordèras Domesticas (TLLD / TEOM) atribuïda au men lotjament qui apareish sus la taxa fonsièra bastida deus proprietaris. Que contribueish au finançament deu servici de gestion de las dèishas : prevencion, comunicacion, collècta, tria, tractament, valorizacion de las dèishas.

LO DEPÒSIT DE LAS MEAS DÈISHAS



LAS LORDÈRAS DOMESTICAS



- Obertura dab un badge
- Depòsit de 50 o 80 litres dens sacs barrats
- Depaus au punt de collècta mei pròche de vòste



TOTS LOS EMBALATGES E LOS PAPÈRS



LO VEIRE



- Depòsit a barreja, shens nat sac
- Utilizacion en liure accès, shens badge



LAS PILAS



LOS TEXTILES



LAS AUTAS DÈISHAS (CARTONS, ENCOMBRANTS, MÒBLES, APARELHS ELECTRODOMESTICS...) : EN DEISHERIA

- Entà las abitantas e los abitants :
Totas las dèishas que son a gratis

- Entaus professionalas :
Los depòsits que son pagants entaus cascalhs, lo bòsc, las dèishas verdas, çò de non triat e los produits dangerós

Arretrobatz los oraris sus :

communaute-paysbasque.fr
(unglet dèishas, las deisherias)

REDUSIR LAS MEAS DÈISHAS DOMESTICAS

■ QUE REDUSEISHI LAS MEAS DÈISHAS A LA HONT

Quan hèi las crompas, que m'estimi mei los produits au pes o qui an chic de suberembalatges plastics e que causeishi los produits reutilisaders (pilas recargables, tavalhetas lavaderas, talhavetas de teishut, sabon solide...)

■ QUE HIQUI UN PEGASOLET STOP PUB SUS LA MEA CAISHA DE LETRAS

(disponible en Mairia e a l'Ostau de la Comunautat).

■ QUE M'EQUIPI D'UN COMPOSTADER ENTÀ

valorizar aisdadament las meas dèishas organicas (peladuras, pastèth de cafè, cresc d'ueus...).



Entà obtiéner un compostader : www.biltagarbi.fr

■ QUE LIMITI LO GUAST ALIMENTARI

■ QUE HÈI REPARAR LOS MENS APARELHS.

■ QUE LÒGUI O QUE'M HÈI PRESTAR

cò que n'utilizi pas regularament.

■ QUE HÈI LA TRIA

au maximum en arrespectar las consignas

■ QU'UTILIZI LAS DEISHERIAS

entà valorizar las dèishas pesugas e toxicas. Qu'i pensi tanben entaus cartons

■ QUE TORNI LAS POTTINGAS PASSADAS O NON UTILIZADAS A LA

FARMACIA qui m'informarà sus las DASRI : las Dèishas d'Activitat de Suenhs dab Riscas Infecciosas (pinchuts, copants) qui representan un risc sanitari. De nada manièra, ne devén estar getats dab las dèishas domesticas.

■ QUE SOI PROFESSIONAU, QUE M'INFÒRMI SUS LAS CORDÈRAS DE

TRACTAMENT DE LAS DÈISHAS ESPECIFICAS LIGADAS A LA MEA

ACTIVITAT o auprès de l'ambassador.a de la tria deu men sector. domesticas.




REPARACION



DON



TRÒC/VENTA



REEMPLEC



COMPOSTATGE

RECICLABLE O NON ?

Entà totes questions o renseñaments: biltagarbi.com, citeo.com, communaute-paysbasque.fr



PLAN TRIAR, QU'ES :

- Permetre aus agents e a las agentas (collècta/centre de tria) de tribalhar dens condicions de las bonas e en tota securitat
- Limitar los còsts ligats a las errors de tria
- Valorizar las dèishas e evitar d'arbóner las dèishas reciclablas

ENTÀ LOCALIZAR LOS PUNTOS DE TRIA :

communaute-paysbasque.fr
(unglet dèishas : la collècta)

CONTACTES DEUS AMBAISHADORS E DE LAS AMBAISHADORAS DE LA TRIA PER SECTOR :

- Amikuze : 06 45 48 88 18
Garazi Baigorri e Oztibarre :
06 45 49 29 19
País de Bidaishe : 06 85 79 85 51
País de Hasparn e Ihòut : 06 79 34 27 57
Sola Xiberoa : 06 45 48 18 08

ENTÀ LOCALIZAR LAS BÒRNAS TEXTILAS : refashion.fr, communaute-paysbasque.fr

TOTS LOS EMBALATGES e PAPÈRS QUE'S TRIAN !



LOS BADGES ENTÀ DEPAUSAR LAS MEAS LORDÈRAS DOMESTICAS



DUS BADGES DAB NUMÈROS DIFERENTS QUE SON ATRIBUÏTS

a cada lotjament o activitat (Jasença, enterpresa, comèrci...).



PENDENT UA MUDANÇA los propietaris o los locataris que devén aperar lo servici de collècta de las dèishas entà actualizar las informacions. **Los dus badges que son a tornar aus propietaris (o a l'agéncia) entà estar remetuts aus locataris segunts**



SI PÈRDI LO MEN BADGE, qu'ac senhali au servici dèishas entà u desactivar entà blocar l'usatge eventuaus per un tèrc. Si besonh, que'n crompi un autre en contactar lo servici.



QUIN DEPAUSAR LAS MEAS LORDÈRAS DOMESTICAS ?



1

Pausar lo badge
suu lector



2

Obrir la
trapa



3

Depausar
lo(s) sac(s)



4

Barrar la
trapa de
com cau



Los depòsits sauvatges (quan seré au pè deus cabeders) e lo brutlatge de las dèishas que son defenduts. Aqueras practicas que seràn punidas d'emendas .

PRO D'INCIVILITATS

QUESTION RESPONSAS



NE PRODUSEISHI PAS NADA DÈISHA, PERQUÉ ÈI A PAGAR ?

Tots que produsim dèishas en febla quantitat, reciclablas o non, e aquò que representa un còst entà la collectivitat.

La Taxa de Lhevada de las Lordèras Domesticas (TEOM) qu'es calculada en se basar sus la valor locativa deu lotjament : n'es donc pas lo volumi de lordèras domesticas collectadas qui condiciona lo son montant.

S'ÈI A DEPAUSAR UA PETITA DÈISHA NON RECICLABLE, COM UN MOCADER ?

Qu'ac depausi dirèctament dens la colomna de lordèras domesticas gràcies a l'orifici de picanica qui non necessita pas nat badge.

QU'EXERCEISHI UA ACTIVITAT PROFESSIONAU DENS LO MEN LOTJAMENT. ÈI DRET A UN AUTE BADGE ?

Quiò, qu'èi dret a un aute badge si èi ua activitat a l'endehens deu men lotjament (ajuda mairau, taula d'òste,...). Si èi ua jasença, aquera qu'aurà los sons pròpis badges !

ON VAN LAS LORDÈRAS DOMESTICAS ?

Las lordèras domesticas que son recepcionadas au pòle de valorizacion organica de Mendixka (Sharrita de Baish), on las dèishas non valorisablas son enterradas.

SI LO CABEDER NON S'OBREISH PAS ?

Que barri plan la trapa pr'amor probable que n'es pas barrada de com cau e que torni ensajar.

Si non s'obreish tostamps pas :

- Que parteishi depausar lo men sac dens un aute cabeder
- Qu'apèri lo servici dèishas

ENTÀ TOTAS QUESTIONS, CONTACTAR LO SERVICI PREVENCION, COLLÈCTA E VALORIZACION DE LAS DÈISHAS

05 59 57 11 80

dechets.barnekalde@communaute-paysbasque.fr

communaute-paysbasque.fr



AMASSA QUE HÈM

REDUSIR • REUTILIZAR • RECICLAR

